

Communicaziun a las medias BCG

«La moda grischuna d'investir daners» – La Banca Chantunala Grischuna lantscha la cussegliaziun d'investiziuns digitala

Cuira, ils 8 da fanadur 2016 – La Banca Chantunala Grischuna (BCG) ha reorganisà cumplettaimain sia cussegliaziun d'investiziuns. Dapi il fanadur profiteschan clientas e clients da soluziuns anc pli individualas, d'ina cussegliaziun digitala sustegnida d'ina software adattada e d'in monitoring che surveglia cuntinuadamain il svilup da lur deposit.

Avair la dretga strategia è in element impurtant per avair success cun investiziuns. Ina soluziun individualisada orientada a las finamiras d'investiziun respectivas è consequentamain fitg impurtanta. La nova cussegliaziun d'investiziuns digitala da la BCG reagescha sin las fatschentas d'investiziuns adina pli complexas cun ina cussegliaziun innovativa, sustegnida tras programs e che sa basa sin la vasta savida da l'Investment Center. «La BCG preschenta sia cumpetenza d'investiziuns a moda chapibla en il discurs cun il client, uschia che las investidras ed ils investiders èn preparads per las sfidas als martgads da finanzas moderns. La tecnica è impurtanta, la cumpetenza-clav resta dentant la prestaziun da cussegliaziun persunala», conferma il CEO da la BCG Alois Vinzens.

Nova experientscha da cussegliaziun grazia a programs moderns

A partir d'immediat è la cussegliaziun cun visualisaziuns modernas sin il tablet ina part integrala en il discurs cun il client. Il svilup da valurs da facultad e strategias d'investiziun elegiblas vegnan preschentadas e simuladas en temp real. A maun da l'istorgia da la performance daventa visibel co ch'il portfolio è sa sviluppà cun la strategia correspondentada en il passà. Per investiziuns futuras simuleschan il client ed il cussegliaader communablamain sin il tablet las schanzas da success da differentas strategias d'investiziun, quai pussibilitescha da definir il portfolio a moda conscienta e prospectiva. La visualisaziun guida a maun da las finamiras da rendita e la prontezza da ristgar persunala ad eruir l'optimum da las investiziuns ed adattar il deposit actual. Tar il nov [mandat da cussegliaziun BCG](#) pon investiders tscherner lur preferenzas e determinar individualmain per exempel tschertas branschas e valutas u tscherts titels.

La purschida adattada per mintga basegn – elegibel a moda individuala

Ils novs products en la paletta d'investiziuns da la BCG sa differenzieschan quai che riguarda la cussegliaziun, ils servetschs cumpigliads ed il model da pretsch. La paletta cumenza tar il [deposit d'investiziun BCG](#) compact, ina soluziun per investidras ed investiders che vulan decider autonomamain e giavischan pouca cussegliaziun. Il [mandat da cussegliaziun BCG](#) cumbinescha l'expertisa d'investiziuns cun la libertad da decider dal client. El è adattà per investiders che lavuran a moda activa cun lur deposit e decidan sezs davart las investiziuns, che vulan dentant tuttina profitar d'ina cussegliaziun qualifitgada e recumandaziuns d'investiziun. La purschida vegn cumplettada cun il [mandat d'administraziun BCG](#), l'administraziun classica da la facultad. Qua surlascha il client als spezialists d'investiziuns versads las decisiuns en il rom da la strategia tschernida. Per cuntanscher las finamiras definidas reagescha la banca immediat ed autonomamain sin midadas.

Surveglianza currenta dal portfolio – adina infurmà bain

Cun agid da programs moderns controllescha l'Investment Center BCG cuntuadamain ils deposits. Tut tenor il servetsch tschernì infurmescha la banca las investidras ed ils investiders davart svilups relevants, en spezial sche quels divergeschan da la strategia d'investiziun definida. Uschia pon ins reagir spert sin svilups actuals e da tut temp controllar las investiziuns. Cun il mandat da cussegliaziun e d'administraziun profiteschan ils clients plinavant da recumandaziuns individualas per optimar il portfolio.

Success a lunga vista grazia ad individualitad e cuntinuitad

La tecnica ed il sustegn dal sistem rendan bain en blers regards pli chapibel, pli simpel ed – en vista a las pretensiuns regulatoricas – era pli segir l'investir, la cumpetenz-clav resta dentant vinavant il servetsch da cussegliaziun. La Banca Chantunala Grischuna sa concentrescha en quel connex sin la cuntinuitad e l'individualitad. Cun la nova cussegliaziun d'investiziuns digitala porscha ella premissas optimalas faschond diever d'ina tecnologia innovativa sco sustegn per la cussegliaziun, la recumandaziun d'investiziuns ed il monitoring. In avantatg central per clientas e clients è la pussaivladad da visualisar e preschentar en temp real las investiziuns.

Infurmaziuns detagliadas davart ils novs products d'investiziun da la Banca Chantunala Grischuna chattais Vus sin gkb.ch/anlegen.

Contact per collavuratur da medias ed investurs:

Banca Chantunala Grischuna, Medias & Investor Relations, Chascha postala, 7002 Cuir

Thomas Müller, thom.mueller@gkb.ch, telefon +41 81 256 83 11

Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universal moderna – per persunas privatas, l'economia ed il maun public. La banca occupa 1'052 collavuraturas e collavuratur (stadi dals 31-12-2015). En il chantun Grischun cun sias numerusas vals e pliras linguas, è l'interpresa represchentada cun 61 agenturas, la sedia principala sa chatta a Cuir. La Banca Chantunala Grischuna è participada a la Banca Privata Bellerive SA a Turitg. En il quint annual preschenta ella cun ina summa da bilantscha da CHF 23,284 milliardas in gudogn dal concern da CHF 168,2 milliuns. Il scrit da participaziun BCG è quotà a la bursa dapi ils 10 da settember 1985.

Termins

Rendaquint semestral 2016: 29 da fanadur 2016

Quint annual 2016: 10 da favrer 2017

Radunanza dals participants: 8 d'avrigl 2017
